



菩提心上種蓮華

章嘉

為教主降生二千五百年紀念寫

自共產邪說橫行，而人類之思想遂多蒙其蠱惑，人倫道德，日益淪喪，社會秩序，日漸頹隕，甚且兵戈擧攘，殺機四伏，生靈之塗炭，文化之摧毀，經年累月，迄無休止，誠令人怵惕悲憫，而不能自己也。

人知劫運之慘苦，群思有以避之，而不知劫之所自來，亦不知劫之所終極，雖欲避之而罔識其適，欲止之而罔識其止，輾轉於修羅之場，掙扎於五濁之世，巽懦者為魚肉，強悍者為刀俎，循環報復，而惡日以積，劫日以大，思避而反趨，思止而反助，此豈弭劫之道哉。

| | | | | | |
|------|------|------|------|------|------|
| 仁王經云 | 劫火洞然 | 大千俱壞 | 須彌巨海 | 磨滅無餘 | 梵釋天龍 |
| 諸有情等 | 尚皆殄滅 | 何況此身 | 生老病死 | 憂悲苦惱 | 怨親逼迫 |
| 能與願違 | 愛欲結使 | 自作瘡疣 | 三界無安 | 國有何樂 | 有為不實 |
| 從因緣起 | 盛衰電轉 | 豈有即無 | 諸界趣生 | 隨業緣現 | 如影如響 |
| 一切皆空 | 識由業漂 | 乘四大起 | 無明愛縛 | 我我所生 | 識隨業遷 |

身即無主 應知國土 幻化亦然
佛說此偈，開示眾生，劫難之來，由於眾生共業，因有眾生，不孝父母，不和大親，作諸過咎，而無正行，或藉權勢，迫害正教，制諸善信，不聽修福，又或假借善舉，斂財自豐，誑諸痴愚，齋會求福，諸惡所積，浩劫以起，無量苦難，日來侵害，災怪相繼，為禍縱橫，自種其因，自食其果，若不深自省察，改絃更張，匪但此生受苦惱，未來之世，或墮地獄，傍生，餓鬼，若得為人，貧窮下賤，諸根不具，種種惡趣，不勝枚舉。

中華民族，六十年來，迭遭戰亂，所受共禍，尤為慘烈，所幸 總統蔣公，深得仁王護國之旨，匡扶正教，不遺餘力，其於民生主義育樂兩篇補述第三章中，昭告世人，以共匪摧毀宗教，箝制信仰自由，喚起注意，並謂無信仰則人生無歸宿，無宗教則精神難於安定，旨哉斯言，撥亂反正之道，弭劫之方，在於此矣，欣逢

釋迦教主降世二千五百年，願我比丘。比丘尼、優婆塞、優婆夷，四眾，及諸大善信，宏揚正教，修一切善法，普渡有情，同登覺岸，能令眾生安樂者，十方諸佛，悉皆歡喜，而我教主世尊，於常寂光中，渡茲佳節，當開顏含笑，加持加被，並願無量眾生，發菩提心，善念善行，精進不已，所獲功德，無量無邊，又豈止弭劫息災而已哉。

宜蘭念佛會講堂落成啟事

敬啟者：本會新建講堂訂於國曆四月二十九日（農曆三月十九日）下午二時在本會講堂舉行落成典禮。四月十八日至二十八日，恭請南亭老法師講解八識規矩頌，二十九日落成時，恭請章嘉大師蒞臨，晚間開慶祝遊藝晚會。歡迎各方大德，四眾教友，隨喜參加，以光佛場。本會敬備素齋招待，用表微忱。
（表帖匾等敬謝）

宜蘭念佛會會長星雲敬啟